

MARIO NENADIĆ

Rođen je 25. 03. 1964. godine u Sarajevu.

Osnovnu školu i klasičnu gimnaziju završio je u Sarajevu, kao i Pravni fakultet Univerziteta u Sarajevu, stekavši zvanje diplomiranog pravnika.

U gotovo tri decenije radnog i profesionalnog iskustva obavljao je važne administrativne, koordinacijske i menadžerske poslove te stekao zavidno radno iskustvo i višestruko unaprijedio stručno znanje.

Od 1988. do 1992. godine vodio je vlastitu privatnu firmu, a tokom 22-godišnjeg rada u državnoj upravi prošao sve instance državne službe – od 1994. do 1996. godine u Ministarstvu za izbjeglice i socijalnu politiku R/F BiH radio kao stručni suradnik, a kasnije inspektor na poslovima organiziranja povratka prognanika i raseljenih lica.

U Ministarstvu Bosne i Hercegovine za izbjeglice i iseljeništvo je u periodu 1996-1998 bio šef Odjela za repatrijaciju i ostvarivanje prava prognanika i raseljenih lica.

1998-2000 u Ministarstvu Bosne i Hercegovine za civilne poslove i komunikacije obavljao je dužnost rukovoditelja Odjela za organiziranje i praćenje povratka prognanika i raseljenih lica.

Dužnost pomoćnika ministra za izbjeglice i iseljeništvo u Vijeću ministara Bosne i Hercegovine obavlja od 2000. godine.

Bio je član brojnih komisija i interresornih radnih grupa Vijeća ministara Bosne i Hercegovine za izradu strateških dokumenata i u domenu zakonodavnih aktivnosti, ljudskih prava, državne uprave itd.

Pohađao je razne eminentne međunarodne i domaće kurseve i edukacijske programe iz oblasti međunarodnog prava, ljudskih prava, izrade propisa, organizacije i rukovođenja u državnoj upravi itd. U organizaciji USAID, Međunarodnog instituta za ljudska prava *San Remo*, Evropske komisije, Univerziteta u Bologni..

Živi i radi u Sarajevu.

Oženjen je, otac dvoje djece.

ZILHA ADEMAJ

Rođena je 1956. godine u Prozoru – Rami, Bosna i Hercegovina.

Ekonomski fakultet Univerziteta u Sarajevu završila je 1979. godine.

Od 1979. godine do danas stekla je respektabilno radno i menadžersko iskustvo.

Bila je profesor ekonomske grupe predmeta u Srednjoj ekonomskoj školi u Sarajevu od 1979. do 1982. godine.

U **Kliničkom centru Univerziteta u Sarajevu** je u periodu 1982-2002 godine obavljala dužnosti ekonomiste, samostalnog stručnog suradnika za planiranje i analizu, pomoćnika direktora za ekonomsko-finansijske poslove i direktora Stručnih službi za nemedicinske poslove.

Od 2002. do danas je rukovodilac Službe za ekonomiku i planiranje u **Zavodu zdravstvenog osiguranja i reosiguranja Federacije Bosne i Hercegovine**.

Dužnost ministrice za rad, socijalnu politiku, izbjeglice i raseljena lica u Vladi Kantona Sarajevo obavljala je od juna do novembra 2012. godine.

Budući da je svoj dosadašnji radni vijek gotovo u cijelosti provela u zdravstvenim institucijama, uz konstantno unapređivanje znanja i sposobnosti (certifikati **Svjetske banke**, **Ujedinjenih nacija**, **Svjetske zdravstvene organizacije** itd.), dobro poznaje problematiku zdravstva kako u Kantonu Sarajevo, tako i Federaciji Bosne i Hercegovine.

Aktivno govori engleski jezik.

Udata je, majka dvoje djece.

Živi i radi u Sarajevu.

MIRVAD KURIĆ

Rođen je 1969. godine u Tuzli.

Osnovnu i srednju školu završio je u Sarajevu.

Diplomirao je na Akademiji dramskih umjetnosti u Prištini.

Od 2001. godine je stalni član ansambla Narodnog pozorišta Sarajevo.

Ostvario je značajne pozorišne uloge, za koje je dobio brojne domaće i internacionalne nagrade u konkurencijama za najboljeg glumca.

Sudjelovao je u filmskim i televizijskim ostvarenjima naših renomiranih reditelja kao što su **REMAKE**, **NAFAKA**, **SEVDAH ZA KARIMA**, **NA PUTU** i drugi.

Trenutno obnaša dužnost v. d. direktora Drame u Narodnom pozorištu Sarajevo.

Član je SBB BiH od osnivanja, a u mandatnom periodu 2010-2014 bio je zastupnik SBB BiH u Predstavničkom domu Parlamenta Federacije Bosne i Hercegovine, gdje se zalagao za razvoj i unapređenje kulture u Bosni i Hercegovini.

AMELA DAUTBEGOVIĆ

Rođena je u Sarajevu 10. 02. 1966. godine.

Osnovnu i srednju školu završila je u Sarajevu, kao i Pravni fakultet Univerziteta u Sarajevu, stekavši zvanje diplomiranog pravnika.

Višegodišnjim angažmanom u državnim organima uprave i institucijama na različitim nivoima, kao i advokatskoj kancelariji, stekla je radno respektabilno, profesionalno i menadžersko iskustvo.

Od 1994. do 1998. godine radila je kao stručni suradnik u Općini Stari Grad Sarajevo, a od 1999. do 2001. godine obavljala je dužnost kantonalnog inspektora rada u Ministarstvu za rad, socijalnu politiku, raseljena lica i izbjeglice u Vladi Kantona Sarajevo.

2001. godine je radni angažman nastavila u advokatskoj kancelariji, gdje je do 2009. godine obavljala poslove iz domena zastupanja privrednih društava pred nadležnim sudovima u parničnim i krivičnim postupcima, zastupanja klijenata i vođenja parničnih postupaka pred općinskim i kantonalnim sudovima u Bosni i Hercegovini, te Sudom Federacije Bosne i Hercegovine, Ustavnim Sudom Bosne i Hercegovine i Sudom Bosne i Hercegovine.

Certificirani je edukator Vijeća Evrope za advokate za primjenu Evropske konvencije o ljudskim pravima i slobodama pred Evropskim sudom za ljudska prava u Strasbourg-u.

Od 2010. godine radi u Ministarstvu sigurnosti BiH, gdje je obavljala više odgovornih poslova – savjetnik ministra, šef Kabineta ministra i inspektor za eksterne poslove.

Također je uspješno završila 10-tak eminentnih stručnih edukacija u organizaciji USAID, Vijeća Evrope, Američke asocijacije za Centralnu Evropu, Direkcije za evropske integracije, Međunarodnog krivičnog suda za bivšu Jugoslaviju i Suda Bosne i Hercegovine.

Dužnost pomoćnika direktora Direkcije za koordinaciju policijskih tijela Bosne i Hercegovine obavlja od augusta 2014. godine.

Govori engleski i italijanski jezik.

ISMIR JUSKO

Rođen 18. Juna 1971. godine u Zuttlingenu – Savezna Republika Njemačka.

Osnovnu i srednju školu završio je u Sarajevu, kao i Fakultet za sport i tjelesni odgoj Univerziteta u Sarajevu, na kojem je magistrirao i pohađa doktorski studij.

Tokom 25-godišnje radne i sportske karijere, ostvario je zavidne rezultate i dobio eminentna domaća i međunarodna priznanja.

U svemu što je radio, stekao radno i menadžersko iskustvo.

U Ministarstvu za unutrašnje poslove BiH radio je od 1990. do 1996. godine, gdje je u Specijalnoj jedinici policije obavljao poslove i zadatke od policajca specijalca, komandira odjeljenja, komandira voda, zamjenika komandira čete, do pomoćnika komandanta Specijalne jedinice. U ovom periodu također je bio instruktor taktike specijalnih dejstava, antiterorističke borbe, bliske zaštite VIP ličnosti, specijalne i opće fizičke pripreme pripadnika Specijalne jedinice MUP BiH.

Branilac je Grada Sarajeva i Bosne i Hercegovine od početka agresije na našu zemlju, a ministar unutrašnjih poslova BiH ga je za hrabrost i požrtvovanje odlikovao *Pištoljem sa posvetom*.

Od decembra 1996. do marta 2007. godine bio je uposlenik Ambasade Sjedinjenih Američkih Država u Sarajevu, gdje je obavljao dužnost šefa Tima za antiterorizam. U tom periodu, proveo je pet mjeseci na edukacijama u SAD u posebnim kampovima za antiterorizam, gdje je uspješno završio kurs za borbu protiv terorizma i rješavanje kriznih situacija.

Tokom rada u Ambasadi SAD u Sarajevu, za svoj rad je dobio devet priznanja od **State Department-a**.

Kao instruktor je radio sa Ministarstvom sigurnosti BiH - Specijalnom jedinicom BiH – SIPA, Odjeljenjem za zaštitu VIP ličnosti i Jedinicom za specijalnu podršku Direkcije za koordinaciju policijskih tijela BiH, Agencijom za školovanje i stručno usavršavanje kadrova, te Specijalnom jedinicom Federalne uprave policije, Jedinicom za specijalističku podršku MUP Kantona Sarajevo i Zatvorskom policijom.

Dužnost potpredsjednika uprave i direktor Poslovne jedinice Sarajevo kompanije **Sector Security** obavljao je od 2007. do 2010. godine, dajući veliki doprinos njenom unapređenju i razvoju kroz posebni angažman na uspostavljanju Akademije za edukaciju uposlenika, uvođenju standarda ISO, te formiranju i uspostavi novih poslovnih jedinica u Kompaniji.

U organizaciji Ambasade Ujedinjenog Kraljevstva u Sarajevu uspješno je završio 12-mjesečni kurs za obavljanje prezentacija, vođenje sastanaka i pregovora prema standardima EU i NATO. Zbog odličnih postignutih rezultata tokom ovoga kursa, na poziv **British Council** pohađao je i završio još tri instruktorska kursa iz navedenih oblasti.

Od 2010. do januara 2013., i od septembra 2013. do novembra 2014. godine radio je u Ministarstvu sigurnosti BiH – Agencija za policijsku podršku na dužnosti šefa Kabineta direktora, a od januara do septembra iste godine bio je savjetnik ministra sigurnosti BiH.

Član je SBB BiH od osnivanja do danas, a od novembra 2014. godine je poslanik SBB BiH u Skupštini Kantona Sarajevo.

Sportom se bavi od djetinjstva, a takmičarsku karijeru krunisao je mjestom u Karate reprezentaciji Jugoslavije. Aktivni trening *Jiu-Jitsu*-a također mu je 2004. godine u Japanu donio crni pojas u ovom sportu, **BUDO** pasoš i licencu međunarodnog instruktora *Jiu-Jitsu*-a.

2013. godine u Lisabonu (Portugal) dobio je prestižno međunarodno priznanje **Master of the Year**.

Pored ovih disciplina, uspješno se bavi alpinizmom, ronjenjem i paraglajdingom.

Govori engleski jezik.